



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. III. De Obligatione Conjugum ad invincem.

**urn:nbn:de:hbz:466:1-40673**

bitationem, medicinas, sumptus ad filii institutionem, & disciplinam, & alia ad vitam necessaria, juxta personæ conditionem.

Ex Molin. autem contra Bonac. veniunt etiam expensæ funeris, si filius decebat, & expensæ competentes pro anima defuncti. Ex Sanch. vero lib. 4. disp. 26. pater non solum tenetur aleare filios, sed etiam eorum uxores. quia in leg. *Si quis, ff. de liberis agnoscendis* dicitur, quod pater teneatur filiorum onera sustinere: Proinde tenetur filiae etiam spuriæ constituere dotem, quæ vicem alimentorum gerit.

VII. Hæc autem obligatio alendi filios procul dubio transit ad hæredes illius, qui hanc obligationem habebat. Quare si quis sua bona Monasterio reliquit, tenetur Monasterium filios illius aleare; Et eadem est ratio, si ob crimen parentis ejus bona fisco addicantur; quia non debent filii privari alimentis jure naturæ debitibus ob culpam patris. Quando tamen filius alimentis aliunde, quam a patre petitis, se sustentavit, non tenetur pater in foro conscientie ad restitutionem; quia filio debentur alimenta solum in subsidium, ut vivat; Quare cum aliunde vixerit, non tenetur pater alimenta in præteritum debita reddere, ut notant Reginald., & Bonac.; nisi tamen filius ob id contraxerit debita; ut probabiliter limitat idem Bonac.

VIII. In dubio autem, an Petrus sit filius Titii, vel Caji, probabiliter ex Tambur. lib. 1. cap. 3. §. 7. neuter tenetur illum alere; probabilius tamen videtur, quod uterque in solidum. Quod si uxor rem habeat cum marito, & cum adultero, hic non tenetur problem alere in dubio, an sit ab ipso genita. Demum si quis sit paterpatratus, seu habeat simul filios, & patrem, probabilius alendus est a patre, quam a filiis, ut multi docent contra

nonnullos apud Dian. part. 10. tract. 13. resol. 13.

### ARTICULUS III.

De Obligatione Conjugum ad invicem.

I. *Etiam vir debet uxori præter amorem, obedientiam in iis, in quibus est subjectus, & honorem.*

II. *Potest vir objurgare, & leviter percuere uxorem, si sit spes emendationis; at nequit sine gravi culpa illam graviter percuere.*

III. *Secundum se tenetur vir aleare uxorem, quamvis illam duxerit inde dotaram.*

IV. *Num teneatur illam aleare, quando ob utriusque culpam ab eorecessit?*

V. *Aliquando tamen uxor tenetur virum aleare.*

VI. *Majorem debet amorem, reverentiam, & obedientiam uxori viro, quam uxor Vir, quippe qui effectus mulieris; unde tenetur uxor virum sequi: Sed quid si pallum intercedat non mutandi locum?*

I. **Q**uæritur primo; An vir debet uxor, præter amorem, etiam obedientiam, & honorem?

Respondeo, debere illi obedire in iis, in quibus est subjectus; ex mutua enim conjugum obligatione fit, ut uterque teneatur ad arbitrium alterius debitum reddere: Consequenter debet uxor etiam honorem, quia honor debetur ratione superioritatis, & excellentiæ; uxor autem aliqualem habet superioritatem, ut diximus, erga virum, habetque propriam excellentiam.

II. Hinc sequitur, peccare graviter maritum primo, si verba infamatoria proferat in uxorem, etiamsi sine animo infamandi, dummodo cum plena adver-

advententia; Sicut etiam si graviter illam verberet, cum non sit serva, sed socia; Quamvis possit aliquid discrete contra eam proferre, & moderate tantum verberare, juxta conditionem personæ, quando est spes emendationis. Secundo, peccaret graviter, si impedimentum illi sit ad observantiam preceptorum Dei, & Ecclesiæ sine iusta causa. Tertio, si sine iusta causa non cohabitetur cum illa longo tempore ipsa invita: Est autem legitima causa, si dominus negotia magni momenti tractet, si timeat sibi aliquod grave damnum, dum est in civitate, si ex præcepto Superioris absit. Verum si spes redeundi ad Patriam tollatur, debet uxorem secum adducere.

III. Quæritur secundo; An vir teneatur uxorem alere?

Respondeo affirmative; ad hoc enim recepit dotem: Quod si pauperem duxit sine dote, sibi imputare debet vir, quod duxerit indotatam: Quare peccat graviter negando illi alimenta, modo alere possit, aut is, qui dotem promisit, non sit in mora culpabili solvendi dotem, aut nisi dos perierit culpa ipsius, qui solvere dotem tenebatur, aut nisi dos perierit culpa ipsius uxoris, aut denum nisi uxor sua culpa a mariti confortio recessit; nam ex leg. *Julius ff. de actione empiris*, *Qui non facit, quod debet, non recipit, quod oportet*.

IV. Dubium est; An uxor sit a viro alenda, quando utriusque culpa recessit a confortio illius?

Respondeo, ex Sanch. inspiciendum esse, cuius sit ultima culpa, nam si ob utriusque culpam recessit, & deinde vult uxor reverti, nec vult vir, teneatur hic alere, quia ultima culpa est viri: Quod si uxor ob saevitatem viri recessit, & deinde oblata sufficienti securitate suavis tractationis in postrem, non vult uxor reverti, illam alere non tenetur; quia pœnitentia vi-

ri purgat delictum, & perinde se habet, ac si propriâ sponte uxor recesserit.

V. Quæritur ultimo; An uxor pariter teneatur aliquando virum alere? Respondeo, debere, quando scilicet presso ex inopia viro, ipsa habeat, quomodo illi succurrat, sive ex bonis dotalibus, sive ex paraphernalibus, sive aliis, cum hoc postulet nexus coniugalis; etiamsi maritus sua culpa tremibus sit addictus, aut sit infirmus; modo sua culpa non recesserit ab uxore, nec velit redire.

VI. Sicut autem diximus debere virum uxori præstare amorem, reverentiam, & obedientiam in iis, in quibus est subjectus, pariter debet id uxor viro; & a fortiori, quia vir est superior, & caput mulieris. Unde sequitur primo, peccare graviter, si notabiliter sit inobediens in iis, quæ spectant ad bonos mores, & ad familiæ gubernationem, cum in iis viro sit subjecta. Secundo, peccat etiam, si maritum in gravem iram, vel blasphemiam provocet, cum id obster reverentia, & amori debito. Tertio, peccat etiam, si maritum alio pergentem sequi recusat sine iusta causa; qualis esset periculum mortis, aut peccati: Vel si maritus post matrimonium fieret vagus; vel si pactum intercessisset non mutandi locum; (quamvis si iusta causa superveniat mutandi locum, ut esset morbus, inimicitia, &c., teneatur uxor non obstante pacto maritum sequi.) Quarto, peccat, si reddere debitum recusat. Quinto, si jus gubernandæ domus sibi arroget; quamvis excusat, si vir sit prodigus, aut si sit morosus, nec velit concedere, quæ in utilitatem familiæ redundant; Denum debet uxor tolerare mariti defectus; cum id ferat amor, & reverentia debita.

A R-